

AKHBAR : BERITA HARIAN
MUKA SURAT : 16
RUANGAN : NASIONAL

Penerima bantuan JKM bedah katarak percuma

Pesakit turut boleh nikmati pelbagai manfaat di bawah PeKa B40

Oleh Wan Faizal Ismayatim
wfaizal@bh.com.my

Putrajaya: Penerima bantuan Jabatan Kebajikan Malaysia (JKM) yang perlu membuat pembedahan katarak akan dikecualikan daripada sebarang bayaran.

Timbalan Perdana Menteri, Datuk Seri Dr Wan Azizah Wan Ismail, berkata selain pengecualian itu, pesakit katarak yang menerima bantuan JKM juga boleh menikmati pelbagai manfaat di bawah Skim Peduli Kesihatan Untuk Kumpulan B40 (PeKa B40).

“Di bawah PeKa B40, lensa untuk pembedahan katarak adalah percuma, manakala kos pembe-

dahan sangat minimum, iaitu RM103,” katanya ketika melancarkan sambutan Hari Penglibatan Sedunia Peringkat Kebangsaan 2019 di Putrajaya semalam.

Sementara itu, Dr Wan Azizah yang juga Menteri Pembangunan Wanita, Keluarga dan Masyarakat serta doktor pakar mata, berkata kesedaran orang ramai untuk mendapatkan rawatan berseuaian sekiranya mempunyai masalah penglihatan perlu ditanamkan.

“Stigma negatif mengenai pembedahan mata harus diatasi supaya pesakit mendapat rawatan yang sepatutnya secepat mungkin untuk mengelakkan keadaan mata menjadi semakin teruk.”

“Stigma negatif mengenai pembedahan mata harus diatasi supaya pesakit mendapat rawatan sepatutnya secepat mungkin untuk mengelakkan keadaan mata menjadi semakin teruk.”

Dr Wan Azizah Wan Ismail,
Timbalan Perdana Menteri



Dr Wan Azizah melancarkan sambutan Hari Penglibatan Sedunia Peringkat Kebangsaan 2019 di Putrajaya, semalam. Yang turut hadir, Menteri Kesihatan, Datuk Seri Dr Dzulkefly Ahmad dan Ketua Perkhidmatan Oftalmologi KKM, Dr Nor Fariza Ngah.

(Foto Ahmad Irham Mohd Noor/BH)

Beliau menjelaskan, penyebab utama kebutaan dalam kalangan rakyat Malaysia adalah katarak yang menyumbang 58 peratus, diikuti retinopati diabetik (10 peratus) dan glaukoma (7 peratus).

Pada majlis pelancaran Bulan Kaunseling Kebangsaan 2019 dan Konvensyen Kaunseling Kebangsaan: ‘Kaunselor dan Komuniti’ kemudian, Dr Wan Azizah berkata, jumlah kaunselor di negara ini masih terlalu kecil untuk mendepani masalah sosial yang semakin kompleks hari ini.

Sehingga 31 Ogos lalu, hanya terdapat 8,773 kaunselor berdaftar dengan Lembaga Kaunselor atau dalam nisbah, seorang kaunselor berdaftar bagi setiap

3,716 penduduk.

Timbalan Perdana Menteri juga mahu rakyat mengubah stigma terhadap perkhidmatan kaunseling dalam menghadapi pembangunan pesat negara dan revolusi industri 4.0 (IR4.0) yang dilihat akan terus memberi cabar kepada komuniti dari sudut kesihatan mental dan psikolog.

“Buat masa ini, mungkin masyarakat belum benar-benar memahami fungsi dan peranan sebenar kaunseling dalam membawa transformasi kepada masyarakat,” katanya berharap perkhidmatan kaunseling dapat dipertingkat dan digunakan secara optimum oleh masyarakat.